

TENTAMEN MEDICUM

CIRCA
FEBRES INTERMITTENTES IN GENERE,
ET PRÆCIPUE CIRCA

TERTIANAS ET QUARTANAS,

QUOD, Deo duce & auspice Dei-parâ, in
augustissimo Ludovicæo medico Monspeliensi,
publicis subjiciet disputationibus,

AUCTOR,

JOANNES - BAPTISTA MONTAUDON, è Municipio
de *Bessinnes*, in nova partione gallicè dicta,
Département de la Haute-Vienne, in alma aca-
demia Tolosana magister, nec-non licentiatus
in artibus, olim saluberrimæ Tolosanæ facul-
tatis alumnus, & jam-dudum in inclyta Mon-
peliensi universitate studiosus. Die 8^a. mensis
Julii anni Domini 1791, libertatis secundi.

Pro baccalaureatûs gradu in medicina consequendo.

Exemplaria Græca
Nocturnâ versate manu, versate diurnâ.
HOR. art. poët.

MONSPELII,
Apud J. F. TOURNEL & J. G. TOURNEL, Universitatis Medicinæ
Typographos & Bibliopolas.


1791.

OPTIMO PATRUM

NEC - NON

TENERRIMÆ MATRIMÆ,


*Has in arte medica primitias, ut publicum
extet gratitudinis reverentiæ & amoris
monumentum,*



DICAT, VOVET, CONSECRAT,

Addictissimus & obsequentissimus
Filius,

J. B. MONTAUDON,



TENTAMEN MEDICUM

CIRCA

FEBRES INTERMITTENTES IN GENERE, ET PRÆCIPUË
CIRCA TERTIANAS ET QUARTANAS.

FEBRES, inquit *Sydenhamus*, duas è tribus in medicinâ faciendâ, partes occupant; hinc patet quantum horum cognitioni sit attendendum. Cæterum febris invasio & progressus, caliginem circa œconomiam animalem sparsam, ex oculis medici observatoris tollit. In istis affectionibus, gressum, ut itâ dicam, naturæ sequitur; qui igitur se arte medicæ devovent, istorum morborum cognitioni, præcipuè & ante omnia, indefinenter sunt incumbendi.

Sæpissimè febris reliquos morbos concômatur, & tunc dicitur symptomatica. Hic quæritur num febris morbo cuilibet superveniens, laudandum sit symptoma? Diversæ à diversis propositæ sunt opiniones, plurimos notavit *Hippocrates* morbos, quos febris illis superveniens tollit, & illud quandòque dicendum est de quibusdam chronicis non valdè gravibus. Febres enim præstantissimum sæpè sunt naturæ præsidium & instrumentum quo partes heterogenæ intus assimilantur, vel impuræ à puris separatæ, per aliquod emunctorium foràs amendantur; undè in hunc scopum, febris quandoque à medicis, juxtâ quosdam excitari debet. Ast verò multi sunt casus in quibus præstantius esset morbum sine febre judicari.

Quando febris prædominium tenet, tunc idiopathicæ seu essentialis

nomen obtinet. Februm essentialium vulgatioꝝ divisio , est in continuas & intermittentes ; continuæ ipsæ subdividuntur in continentes & remittentes ; continentes dicuntur illæ quæ uno tenore , sua tempora incrementi , status & decrementi percurrunt absque ullâ exacerbatione. Remittentes dicuntur , quæ suas habent in decursu exasperationes & remissiones , istæ , cæteris paribus , minus graves sunt quam priores.

Febres remittentes & intermittentes ad infinitum usquẽ subdivisæ fuere , ut videre est apud Nosologistas & præcipuẽ in operibus Nosologisticis *Sauvagesi* & *Cullen*. Hujusce vero dissertatiunculæ limites , nullam de his finunt digressionem ; cum autem omnium frequentissimus febrium intermittentium typus , sit tertianus & quartanus de his duobus generibus maximè agam , quædam tamen generaliora de cæteris addendo.

S Y M P T O M A T A .

In delineandis essentialibus febrium characteribus præsertim *Cullen* & *Sydenhamum* duces secuti sumus , sicuti & in curatione ; en igitur quæ post illos notabilia symptomata in febribus observavimus. Torpore vel sensu debilitatis laequescit æger ; in exercitando corpore inertia & in jucundo quodam habitu premitur ; frequentes habet oscitationes , vultus & extremitates pallent ; corporis superficies imminuitur ; stricta videtur cutis tanquam frigore correpta.

Ubi hæc apparent symptomata , tactu frigiditatis sensatio , persentitur , cui parum attendit ægotans , deinceps tandem horrore percutitur in lumbis vulgò oriente , brevique totum corpus corripiente ; tunc tactu calida videtur cutis. Ubi crescit frigoris sensus , cuidam exhorrescentiæ in omnibus membris originem præbet. Illa demum symptomata mitiora fiunt , quibusque succedunt calidi fluctuationes , faciei rubori ansam præbentes. Frigus paulatim omninò evanescit , plusquam solito incalescit corpus , tunc cutis antea rigidissima mollior fit , caloriq; sibi peculiari , ferè redonatur ; in habitu naturali redeunt cæteræ corporis partes , paululùm tamen aliquoties intumescunt ubi ebullitioni , rubori , nec-non turgescentiæ datum fuit incrementum. Parcissimo sudore frons irroratur , mox larga supervenit desputatio sudorifera , initio in inferioribus , deinde in toto corpore huc usque siccate exarsenti , sparsa ; quæ dùm excernitur calor sensim cedit , nativam corpus acquirit temperiem , & pleræque functiones in statu suo stabiliuntur.

Tali modò fit horum-ce omnium symptomatum successio , ut in paroxysmis febrium intermittantium hæc tria tempora spectanda sint , quorum phænomena post *Sydenhamum* delineavi (1). 1°. Tempus exhorrescentiæ ; 2°. tempus ebullitionis ; 3°. tempus despumationis.

Ex quânam latenti causa tam diversa eveniant phænomena in eodem paroxysmo diù exquisitum est ? Innumeraque excogitata fuere systemata mere theoretica ad hujus quæstionis solutionem. Opinionem tantummodò *Sydenhami* referam , tanquam magis consentaneam cognitionibus quas habemus. Circâ œconomiam animalem : arbitratus est igitur *Sydenhamus* (2)
 « Exhorrescentiam oriri ex eò quòd materia febrilis , quæ nundum tur-
 » gescens à massâ sanguinea ut cumque assimilata fuerat , jam tandem non
 » solum inutilis , verùm & inimica naturæ facta , illam exagitat quodam
 » modò , & lacessit , ex quo fit ut natura aliquodam modo irritata &
 » fugam molita , rigorem in corpore excitet , atque horrorem adversationis
 » suæ testem & indicem. » Hæc explicatio plurimis illustratur ab auctore citato exemplis & comparisonibus , ut videre est in eximio opere suo ; deinde sic pergit in tradendâ ebullitionis causâ « natura , inquit , hoc pacto
 » irritata quo facilius hunc hostem à cervicibus depellat , fermentationem
 » aggreditur. . . . Hujus autem effervescentiæ beneficio disjunctæ pec-
 » cantis illius materiæ partes , quæ sanguini æquabiliter admixtæ fuerant ,
 » aggregari quodam modò incipiunt , atque adeò leviori opera subigi
 » possunt , ut ad despumationem oportunæ evadant. Quibus omnibus elapsis ,
 » tertium tempus , quod despumationi dicatum est , insequitur , quo suc-
 » cedente symptomata omnia primo leviora fiunt , atque tandem planè
 » evanescent. » Quamvis hæc theoria validissimis objectionibus infirmari queat , & quamvis nullomodò consentanea esse possit cum solidistarum mente , hæc tamen probabilior nobis visa fuit. Omnia symptomata ad spasmus referebat *Cullen*. Fateor equidem quod semper spasmus fit causa proxima illorum phenomenorum . sed cum ille spasmus fit ipsemet effectus , quæretur adhuc à quânam ille oriatur causâ ? & tunc recurrendum erit ad systema *Sydenhami* cui solo accingo.

Nunc iterum quæritur , quomodò fiat ut redeat paroxysmus , quando quidem ægrorum fors in vado jam constituta videtur ? In hac quæstione

(1) Vid. in tom. I. sect. 1. cap. V. pag. 46.

(2) Ibidem.

Omne theoriæ respuo & procul arceo : hic enim , solam imaginationem consultaret , qui illud explicare conaretur : verum , me iudice , vanum est & ridiculum omnia sacra naturæ penetralia adeundi tentare ; quamobrem quæ impenetrabili nube obducuntur , ea sunt relinquenda. Tantummodò igitur dici potest , post magistrum nostrum *Sydenhamum* , quod materia febrilis in primo paroxysmo nondum tota emigravit , deinde post certum tempus , caput effert ac novum negotium naturæ facescit , idem stadium decurrens , quod in primo jam superius ostendimus. Verum ut ad quæstionem modò propositam , redeam , scilicet cur materia peccans non eodem modò in omni febris intermittenti progrediatur nam , nunc duos ; nunc tres dies exigit antequam novum paroxysmum excitet ? post *Cullen* respondebo quod naturæ ordine periodico gaudeat ; sic plerique homines benè valentes ; iisdem ferme horis quotidie somno premuntur , fame excitantur , &c. Pulsus etiam manè lentior , mediâ die magis regularis , & nox cum venerit velocior , eandem naturæ legem incusat , non alia igitur quærenda est istius phænomeni explicatio.

Jam pauca sunt addenda de mutationibus in omnibus functionibus supervenientibus , dum singuli grassantur paroxysmi.

Respirationis difficultatem leviolem graviorem-ve , esse febris comitem individuum , nemo nescit ; item cum febre profundam pulsus , & quasi levem quandòque contractionem , quæ falsam præbet debilitatis speciem , cum fortior & vividior post sanguinis missiones evadat , in quibusdam febrium casibus arteriarum pulsatio , quam medicus observator , agnoscit parvam ex infarctu vasorum , non ex virium imbecillitate , neque ex defectu sanguinis. Vid. tract. path. ill. Prof. *Tolosani* & digniss. amici mei *D. Gardel*.

Omnes functiones animales , nec-non naturales pariter perturbantur , ab alimentis averfantur febricitantes , jam terminato paroxysmo nausioses superveniunt : quæ non rarò vomitus cient , vulgòque ardente siti devorantur. Variantur quoque , durante paroxysmo , excretiones & secretiones. Urinæ , v. g. dum viget exhorrescentia sunt quasi incolores , nullamque continent nubeculam aut sedimentum ; in tempore ebullitionis , crassæ sunt & conturbatæ. Sedimentum autem lateritium , gallicè dictum *Briqueré* apparet tantummodò in tempore despirationis.

Quoad læsionem facultatum animalium , observatione constat quod difficiliore tunc fiant memoria & intellectus. Plerumque dolor capitis supervenit , quando jam ebullitur corpus , licet nonnunquam febricitantem , in-eunte paroxysmo , invadat. Hunc capitis dolorem , sudor tandem veniens

tollit : sæpiùs ægrotantes dolore acri premuntur in dorso & præcipuè articulis.

D I A G N O S I S.

Ex enumeratione symptomatum jam recensitorum , facilis est februm diagnosi & vel levissima adhibitâ cautela , cum nullis morbis , vulgò confundi potest hæc affectio.

D E F I N I T I O.

Febris intermittens , per suos effectus definita est arteriarum pulsationis frequentia , cum calore , quem plerùmque præcessit frigus , & functionum læsione per regulares periodos rediens.

C A U S. Æ.

Causæ febrem producentes , sunt vel remotæ vel proximæ : causæ remotæ sunt juxtâ *Cullen* , contagiones & miasmata (1). Sed eo modo de contagionibus loquitur , ut contagiones productæ per dissolutionem putridam substantiarum animalium , febribus continuis ; quæ verò producuntur à dissolutione putrida vegetabilium intermittentibus ansam præbent. Hanc theoriam præclaro modo illustravit & illi augmentum præbuit , in sap. prælectionibus suis , ill. prof. D. *Baumes*.

Quas quidem præcipuas causas , non autem unicas esse credimus : sæpè sæpiùs humor perspirationis retentus , aliarumque evacuationum suppressio , motus nimius , immoderata Venus , cæteraque animi pathemata totidem stimuli fieri possunt adversus systēma nervosum & arteriosum , vel etiam degenerationem quamdam liquidorum producere , & consequenter febri originem dare. Quibus ex causis oriuntur febres , mediantibus quidem causis proximis , quæ sunt juxtâ *Cullen* (2) debilitas & spasmus. Ex spasmo nasci posse omnia symptomata febris , sive sit ille causa sive effectus degenerationis humorum , opinor : verum , an ex debilitate eadem symptomata & præcipuè spasmus ? Difficillimum est huic quæstioni satisfaciendi

(1) Vid. opus eximium cui titulus , *éléments de médecine pratique* , cum notis illust. *Bosquillon*.

(2) Ibidem pag. 16 & seq.

prorsus modò respondere ; virium enim prostratio sapissimè pro debilitate assumpta fuit , ab his qui affirmativè concluderunt , & illa confusio fuit semper fons errorum continuus ; ego verò credo ; quod debilitas , sive major minorve virium solutio quædam producat symptomata , non autem omnia ut asseruit *Cullen* (1).

P R O G N O S I S.

Nihil opportuniùs mihi apparuit in hocce paragrapho , quam ex operibus *Hipp.* excerptare , & propriis verbis hùc transferre quasdam sententias prognosticas de febribus , de quibus nunc agimus.

Febres quæcumque non intermittentes , tertio die vehementiores fiunt , magis periculosæ ; quocumque autem modo intermittant , quod sine periculo sint , significat. *aph.* 43. *sec.* 4.

Intermittentes febres , aliquando malignæ evadunt , & in morbos acutos transeunt. *Epid.* 7.

Tertiana exquisita in septem ad sumum circuitibus judicatur. *aph.* 59, *sec.* 4.

Febricitanti , nisi diebus imparibus febris dimiserit reverti solet. *aph.* 51, *sec.* 4.

Febrium omnium , tutissima , placidissima & longissima , est quartana , quæ & ab aliis magnis morbis liberat. *Epid.* 1, 3, 17.

Quartanæ æstivæ , plerumque fiunt breves , autumnales verò longæ & maxime quæ prope hiemem insidunt.

Quibus in febribus quartanis existentibus , sanguis ex naribus fluxerit malum. *aph.* 5, *sec.* 8.

T H E R A P E I A.

In tradendâ therapeiâ febrium intermittentium , patet , quod habenda sit ratio tum tempestatum , tum naturæ febrium diversæ , & causarum si igitur rectum ordinem sequi nobis fas esset ante omnia , dividendæ forent febres quoad therapeiâ & prognosin ; in febreales vernaes & autumnales & indagandæ variæ tempestatum constitutiones : sed cum illud conamen non sit propositi nostri , & sit viribus impar ; cum autem limites propositæ non sinant febrium historiam ; cum aliunde verum sit , ut ait *Sydenhamus* , febres utriusque tempestatis ingenium non plane dissimile

(1) Ibidem pag. 18, 19, 20 & seq.

nancisci, hodiè tantummodo quædam generaliora tradam, ex quibus febres curari poterunt, dummodo semper habeatur ratio suprâ enumerationum, & insuper ætatis ægrotantis, constitutionis & idiosyncrasie, tum denique regionis, & præsertim epidemie grassantis. Quantum sint necessariae istæ omnes circumstantiæ, luce meridianâ clariùs apparebit, si attendatur quod quædam, prompta & drastica remedia exigant ut sunt certæ epidemie, aliis vero parca sed longa & convenientia remedia sint necessaria, quales sunt autumnales; aliæ demum ut plerumque vernaes, nullis frequentissimè egent remediis, sed soli naturæ sunt committendæ. Animadvertit Sydenhamus (1) febres intermittentes vernaes, rarissimè fuisse diurnas semper vero salutares: *contigit autem eodem medico* (2) *videre tertianas vernaes, quæ ob phlebotomiam & catharsim indebitè celebratas, & regimen insuper cum morbo male quadrans, moras traxere etiam usque ad tempus illud quo autumnales solent invadere.* Illud sane verum esset si illorum remediorum culpandus fieret abusus, sed nimis puto, asserit Sydenhamus, cum dicit, ob unam tantummodo catharsim aut phlebotomiam. Attamen quamquam illud assertum non sit rigorosè verum, ex eo tamen merito concludendum quod hic optimè quadret & numquam à medico sapienti recedere debeat, illud medicinæ parentis famigeratum: *interdum optima medicina est nullam facere medicinam*: audiamus Sydenhamum ipsum optimas tradentem regulas & sana, (dummodo tamen rigorosissime non adhibeantur) præcepta præbentem. « Ut vera loquamur, inquit, nec » artem ostentemus, si harum febrium alterutra, *tertiana scilicet & quar-* » *tana*, correptus æger vel infans sit, vel ætate floreat, convenit omnino » nihil medicamentorum quorumvis ope, aut aëris, aut dietæ mutatione » moliri, nihil enim hinc mali natum, hinc usque intellexi, si modo » totam rem naturæ permiserim. » Interdum tamen etiam in vernalibus, administrandum emeticum, quod sanguinis missio præcesserit, si cæteræ circumstantiæ illud sinant remedium; & vulgò etiam pervicacissimæ hisce cedunt remediis (3).

His generalibus prælibatis, duas indicationes generales adimplendas statuam. Quæ omnibus ferè febribus conveniunt, illæsâ semper ratione,

(1) Pag. 40.

(2) Ibidem.

(3) Vide Huxam, Essai sur les fièvres, cap. 2, & Celse, lib. III, cap. 12;

quæ habenda est circumstantiis supra memoratis, & agendo juxta præceptum magni *Sydenhami*, *juvantibus scilicet & lædentibus*.

Dux illæ indicationes sunt, 1^o. Cum accesserit paroxyfmi insultus ad crifim morbi perfectam ducere; 2^o. In intermiffione causam tollere cum ope dietæ, tñm medicamentorum.

In explendâ primâ indicatione, propositum fuit emeticum quod *Cullen* & *Bosquillon* suadent, vigenti exhorrescentiâ, vel ineunte ebullitionis tempore; idem suaserunt *Celsus*, *Galenus*, *Paulus Eginensis* & *Riverius*. Hanc autem praxim post *Sydenhamum* omnino respuo, moxque dicam, loquendo de evacuantibus, quo tempore censeam quod usurpari debeat illud remedium. Insuper, credo, quod nullis remediis perturbanda sit natura, duraute paroxyfmo, nisi venæ-sectio, ex variis plethoræ symptomatibus judicetur necessaria; & tunc temporis celebranda est in tempore ebullitionis, quatuor circiter horis aute paroxyfmi adventum. Sudores provocabat *Sydenhamus*, sero lactis, cerevisiato, cui salviæ folia incocta fuerant, quibus jam obortis, præcipiebat ut devoraret ℞j pillularum cochlearum majorum solutarum in ℥j sequentis mixturæ, ℥ aquæ vitæ, ℞j theriacæ andromachæ ℥iij, croci angli ℥j mixta stent simul pro usu. Hæc ubi assumpserat in sudoribus continuè elicendis persistere jubebat, donec elapsæ fuerant aliquot horæ, ab illo tempore quo spasmus ingruere debuisset, magnâ cum cautelâ se muuens contra illas sudationis interruptiones, quas illi fortè crearent dejectiones aliquot à medicamento cathartico profectæ. (Vide op. *Sydenhami*, pag. 54.)

Aqua frigida potusque aciduli apprimè conveniunt, quando ab ægro appetuntur, inferius vero cum de dietâ agemus, quasdam de potu adjiciemus. Insuper ad eandem indicationem obtinendam, commendarunt auctores narcotica & liquores spirituosos. Narcotica sola, vel narcotica stimulantibus conjuncta, aptissima sunt, ad tollendum spasmus totum corpus afficientem. Nemo autem nescit, quod quotidie videmus febriscitantes sanatos exhaustis copiosis liquoribus spirituosissimis dum acri calore torquebantur. Istæ observationes prudentes monent medicos, ne semper nimium obfent febriscitantium votis. Hinc verò locum capiam dicendi quod medici sæpius debeant adscribere ægrotantium desideriis, quantumvis puerilia & etiam absurda illa videantur ut enim mens affecta variè varios procreare, item tollere potest morbos; hinc quotidie videmus febres tertianas & etiam quartanas, (dummodo tamen maxime pervicaces non fuerint) evanefcentes quia febriscitantes ridicula & superstitiosa

figura fecere (1). Ad eundem, credo, fontem referendæ sunt curationes factæ ope magnetismi (2).

Secunda indicatio quæ consistit in intermissione, causam tollere, cum ope dietæ tum medicamentorum, duobus methodis obtineri potest : vel enim tollitur causa methodo depurativâ vel remediis efficacibus & specificis. Sanguinis missio, usurpata vigente, ebullitionis tempore, ut supra memoravi. Si illam sinant enumeratæ superius circumstantiæ, primum erit remedium methodi depurativæ. Mox, cum intermissio supervenerit administrandum erit emeticum.

Omnes fermè medici consentiunt de administratione hujus præstantissimi remedii, sed apud eos non æquè constat de tempore opportuno ad illius administrationem. Alii contendunt illud dandum esse eo die quo febris intermiserit, alii plurimis horis ante paroxysmum alii demùm, vigente paroxysmo. « Nonnumquam, ait Sydenhamus, emeticum tempestivè propinatum, ut nempe ante paroxysmum negotio suo defungi

(1) Il ne faut pas s'imaginer que j'aie intention de conseiller, comme un remède, tous ces signes superstitieux auxquels les médecins voient tous les jours avoir recours, sur-tout parmi les habitans des campagnes, qui ayant été jusqu'à ce jour privés des lumières de la philosophie, ne se sont laissé conduire, ou plutôt égarer, que par ceux qui ont su capter leur confiance par des signes extérieurs plus ou moins séduisants. Je dis seulement que le médecin doit les tolérer, car l'imagination jouit d'une telle influence sur le physique, & nous voyons tous les jours ce seul agent opérer des phénomènes si surprenans autant en bien qu'en mal, que nous ne devons plus être surpris que les prétendus possesseurs de secrets, guérissent des maladies qui avoient résisté aux remèdes sagement ordonnés de l'art. Nous nous contenterons d'observer que ces espèces de spécifiques n'ont de vertu, qu'autant que les maladies ne sont pas très-opiniâtres.

(2) Les Lecteurs trouveront peut-être le jugement que je semble porter sur le magnétisme un peu hasardé; ceux qui connoissent cet art enchanteur, ne manqueront pas sans doute, de m'appliquer cet adage si connu, *ignoti nulla cupido*. Ils auront certainement raison, J'observerai cependant que n'ayant aucune connoissance dans cet art merveilleux, ce n'est point un jugement que j'ai osé prononcer, je n'ai fait qu'exposer un doute qu'ont fait naître en moi plusieurs auteurs distingués, qui ont vu opérer M. Mesmer lui-même, & notamment l'illustre M. Desbois de Rochefort, qu'une mort prématurée vient d'enlever à la médecine, & qui a emporté avec lui les regrets de tous ceux qui connoissent ses immortels ouvrages qui faisoient concevoir de si hautes espérances. Voy. la mat. med. de ce savant médecin, tom. I. pag. 31.

» possit, felicissimè succedit. » Commendat adhuc quantitatem mediocrem cujusvis narcotici, immediatè ante accessionem. ex his, cognoscitur sententia hujus celeberrimi auctoris cui lubentissimè adscribo, & cenfeo quod tempus opportunissimum, sit illud quod est remotissimum, à sequenti paroxysmo. Hæc opinio sufficitur, me judice, sanâ theoriâ cum optimâ praxi junctâ. Attamen credit *Cullen* quod tempus opportunissimum, sit duobus vel tribus horis ante insultum paroxysmi; hanc praxim reverâ egomet expertus sum. Mense novembri, febre tertianâ detentus, grana duo tartari stibiati assumpsi, duobus circiter horis ante solitam paroxysmi accessionem: multa biliosa vomui diù multum iusudavi, illoque solo remedio jugulata fuit quasi febris. Nonnumquam quoque, me præsentâ, magno cum successu administratum fuit emeticum, vigente ebullitionis tempore. Ex his tam diversis observationibus concludere datur, quod emeticum sit adeo præstantissimum remedium, ut quocumque tempore propinetur, miracula, ut ita dicam, producat. Semper tamen cogitabo quod laudabilius sit illud administrare in intermissione.

Quando semel usurpatum fuit emeticum, danda deinceps cathartica, si materia turgeat; maximè certe improbo, qui alternis diebus per totum morbi periodum ad purgantia recurrunt; sed, credo, quod una, vel duo ad summum catharces absque ullo damno in omnibus ferè casibus dari possunt: cæterum semper est agendum ex circumstantiis, jam pluries enumeratis, & quæ semper medicum dirigere debent, præcipuaque ratio est habenda turgescentiæ de quâ tam frequenter sermo est apud *Hipp.*

Inter varia remedia cathartica, maxime commendanda veniunt cremor tartari, (hobiè dicta *tartrite acidule de potasse*) magnesia & sal epton, (*sulfate de magnésie.*) manna fenna, rhabarbarum plurimaque alia vegetabilia. Sæpius *Sydenhamo* ex animi voto cessit sequens decoctum, **℞** rad. gent. sum. cent. cum pauca fen. atque agar. quantitate. clysmata adhuc commendanda veniunt tamquam optimum remedium; tertianas aliquando curavit *Sydenhamus* clysteriis, in diebus intermittentibus per triduum aut quatrimum adhibiti beneficio.

Solum remedium specificum in febribus intermittentibus, est cortex peruvianus. Omnes ferè autores in hisce affectionibus, usum illius substantiæ commendarunt, & illam æquo jure, tamquam mirabili virtute præditam, habuêre. Fateor equidem, quod illa incantamenti instar sæpissimè febrem profliget, fateor quoque quod magnoperè profit in quibusdam casibus, & ægrotantes è tumultu eripiat, in febribus v. g. malignis.

insidiosis (1). Sed nunc inquirendum venit num illud remedium sit semper apprimè accommodatum therapeiæ febrium intermittantium & num in isto casu quandoque culpandus non fiat abusus? Præclarum audiamus *Sydenhamum*; verba sua referam, quæ optimâ praxi & quotidianâ observatione confirmantur. « Quartanarum quod attinet curationem, inquit, » nemo est; opinor, in hâc arte vel mediocriter versatus qui nesciat » quam parum votis respondeant methodi istæ omnes quæ huic medicorum opprobrio eluendo hætenus destinantur, si corticem peruvianum excipiamus, qui tamen inducias sæpius impetrat morbo quam eundem debellat; cum postquam ad septimanas duas vel trës delituerit magno cum ægri emolumento..... mox de novo recrudescent haud segnius quam prius laceffit, atque ut plurimum quotiescûmque demum repetatur illud medicamentum, nonnisi longo temporis tractu, expugnatur. » (*Vid. op. cit. p. 55.*)

Ex his concludendum est, quod raro & nisi maxima prius adhibita cautela, ut inferius dicemus, administrandum sit illud remedium in febribus intermittentibus: re verâ quotidie observamus, quot mala quot infirmitates inter homines ingerat hæc substantia, quando usurpatur à viris empyricis vel ignavis; quotidie videmus hydropicos, quorum morbus ortum ducit à curatione febris quartanæ per usum kinæ-kinæ, quando tamen vel votum ægrotantis, vel quædam certæ indicationes, vel aliæ circumstantiæ usum illius remedii exigunt; tunc prudenter est agendum, multa enim infausta aliter pertimescenda forent, ut brevi docebimur, si audiamus sapientissimum ducem neotericorum.

« Curandum est, inquit *Sydenhamus*, ne præmaturè nimis hic cortex ingeratur, aut scilicet, quam morbus suo se marte aliquantisper protriverit (nisi collabescentes & jam fractæ ægri vires eundem tempore porius fumendum esse dictaverint); neque enim illud solum est metuendum, ne à præpospero ejus usu inefficax iste reddatur, sed etiam ne

(1) On a remarqué que depuis quelques années il règne assez communément pendant l'automne à Toulouse, une fièvre remittente, qui s'annonce par des symptômes très-bénins, & qui souvent enlève le malade au moment où l'on s'y attend le moins. J'ai vu opérer des merveilles dans ces sortes de cas par l'usage du quiquina, par lequel M. *Dubor*, célèbre professeur de l'Université de Toulouse, & médecin de l'Hôtel-Dieu *St. Jacques*, commence le traitement de ces maladies.

» de ægri vita agatur, si sanguini omni fermentationis nisu, se despu-
 » nianti eam derepentè injiciamus remoram, Proximo loco, neque
 » catharsi, multo minùs venæ-sectione subducenda est, materiæ febrilis
 » pars aliqua; quo liberius cortex suo fungatur munere. » (*Vide ibidem.*)

Laudandissimas, adhuc regulas de usu kinæ-kinæ præscribet clarissimus,
Huxam: « On remarque même communément, inquit ille, médecin; que
 » lorsque la fièvre, de tierce ou qu'elle étoit, dégénère en une fièvre
 » demi-tierce ou quotidienne ou anticipe considérablement le temps du
 » paroxysme régulier; elle est aussitôt suivie d'une fièvre intermittente
 » ou continue! C'est là l'effet que produit un régime trop chaud, ou
 » l'usage précipité du quinquina. L'expérience nous apprend que les fièvres
 » quotidiennes & les fièvres doubles tierces..... ne demandent le quin-
 » quina, qu'après qu'on a mis en usage les potions salines, les atte-
 » nuans & les délayans; & lorsque les circonstances l'exigent, la saignée,
 » les purgatifs & les vomitifs. Je trouve effectivement à propos dans
 » ces sortes de fièvres intermittentes, de ne jamais donner le quinquina,
 » sous quelque forme que ce puisse être, qu'après un certain nombre d'accès,
 » & qu'après avoir tiré plus ou moins de sang aux sujets disposés à la
 » plethore. » (*Ess. sur les fiev.*, p. 27 & 28.) Idem dicendum est de
 febris tertianis & quartanis, id indicat idem auctor quum de tertianis
 loquendo, sic pergit: « Ne vous hâtez jamais d'employer le quinquina ni
 » les chalibées, lorsque le malade a le visage pâle, le bas-ventre tendu,
 » & qu'il est constipé. » *ib.*

Diverso modo administrari potest illud remedium, alii substantialiter
 alii decompositum dari volunt. Hic notatum volumus, quod in extratum,
 majorem amittat virtutis suæ partem, & quoties quò quovis modo de-
 compositum detur, minime ferè semper fieri. Alias sub formâ pillularum,
 alias in infusione vel in decoctione datur. In nosocomio Tolosano dicto
 de *St. Jacques*, anteponitur kina rubrum, simpliciter in q. s. vini albi
 infusum. In nosocomio Mospeliensi dicto de *St. Eloy*, vulgò adminis-
 tratur in apozematibus, & tunc adjungitur diversis aliis substantiis, quales
 sunt cremor tartari, flores camomillæ, cum syr. cap. vel absy. &c.)

Sequens apozema sæpiissimè mihi commendatum fuit ab ill. quodam
 medico ʒʒv K.; mellis circiter ʒij, paulatim admixta aqua vitæ, cum aquæ
 communis q. s. frequentem methodum cæteris anteponebat *Sydenhamus*,
 ʒ per. corticis ʒj cum syr. rosarum rubr. ʒij misceatur. Ager vero quan-
 titatem nucis moschathæ majoris, manè & sero quotidie devoret, diebus

à genuino paroxysmo vacuis, donec confectionem omnem assumpserit; Repetatur porro ad tres alias vices, interjectis semper diebus quatuordecim.

Hic fortè antequam corollarium generale nostrum, circa cort. per., ponamus locum invenire debet illud febrifugum quod tamquam certissimum administrabat *Boerhaavius*. ℞ salis polyc., ℥ij rad. aper. syr., ℥ij opii puri, G. ij & sal. absy. ℥ij, has diluebat substantias in aqua still. amarâ ℥v & bis in semi horâ i cochl. præbebat, deinceps suadebat potionem dect. sudoriferi.

En præcipua quæ dicenda erant de usu illius remedii tam laudati, sæpeque tam periculosi; & ex his omnibus concludere est, 1^o. quod kina febrem fere semper tollat; 2^o. Quod in febribus malignis insidiosis, sit utilissima imo etiam necessaria illa substantia; 3^o. quod in febribus intermittentibus juvenes corripientibus, melius sit nullum facere remedium, & consequenter quod præstantius esset corticem peruvianum illis non administrare; 4^o. quod cum dari debeat, illud non agendum nisi maximâ adhibitâ cautelâ; scilicet post plures paroxysmos, & usurpatis prius sanguinis missione & emeticis si indicantur illa remedia; 5^o. quod cum febricitantes ætatis provectiores, correpti fuerint autumnalibus tertianis vel quartanis, non etiam diurnitatis, verum & ipsius mortis, grave periculum immineret, melius illis convenire potest.

Adsunt causæ quæ impedimento esse possunt ne duæ propositæ nostræ indicationes generales adimpleantur. Illæ quidem causæ sunt vel diathesis inflammatoria, in systemate prædominium tenens vel congestiones in viceribus abdominalibus. Prior, sanguinis missione & regimine anti-phlogistico; posterior vero emeticis & catharticis amovendæ sunt.

En remedia generaliora quæ præscribi possunt ad curationem febrium intermittentium: fateor quod ordinem latiore & omnibus quibuscumque circumstantiis accommodatiorem sequi potuissem & forte debuissem, sed attendatis, AUGUSTISSIMI PATRES, lectoresque benevoli, quod limites dissertatiunculæ non sinant colligere quæcumque de istâ materiâ locuti sunt auctores commendatissimi, quæque illorum operibus adjici possint; cæterum ex his propositionibus latè sumptis, facile est ordinem certum concipere, & remedia accommodatissima in his circumstantiis febrium intermittentium, etiam de quibus non egimus, dignoscere.

Nihil dicam de morbis qui consequi solent febres intermittentes & præsertim autumnales, nec de viis & regimine quibus præcaveri queunt. Videre est quæ de istis dicta sunt apud *Sydenhamum*, *Grant*, &c. sed


antequam finem huic opusculo imponam, pauca adjiciam de febriscitantium dietâ, circa quam in errore magno quotidie incidit populus, & neglectis sapientium medicorum præceptis, vox dieta apud illum idem sonat, ac abstinencia ciborum rigorosa. Quotidie videmus homines nomen medici usurpantes, quorum tora scientia in eo consistit ut naturæ votis semper obstant quorumque mandata infracta; salutem ægrotantibus præstant, omnibus ægri desideriiis, quæcumque fuerint, semper adversantes. Naturam agere cogimus aiebant olim quidam medici, & illorum præcepta, consequentiæque ab illis deductæ, quantumvis infauista humanos. Generi, quosdam adhuc fautores reperiunt. Hodiernis autem diebus, alia non minus perniciofa grassatur sententia: dietâ & aquâ debellandi sunt morbi, quidam dicunt: multi, ut jam dixi, per dietam abstinenciam à cibis audientes, quotiescumque ægrotanti cuidam curam impendunt, etiamsi ille fame crucietur, alimenta illi denegantur. Hinc fit; ut nihil suppeditans naturæ vires à morbo exhaustas tandem fames abiat & æger inanitati succumbit: nemo fame perit, alii dicunt: equidem non subito; fame sicut veneno pereunt ægrotantes; sed abstinencia nimis severa exsolutioni virium ansam præbet, & uenunem fugit quanta ex istâ causâ sepeveniant mala.

Expositis præcipuis erroribus populi & nonnullorum medicorum circa dietam, nunc regula quædam certa naturaliter exponenda venit. Brevissima est sanè illa regula quæ medicum semper dirigere debet: naturam sequi, & ab illa numquam divedere, en officinam medici; totaque ejus sagacitas in eo tantummodo consistit ut vera naturæ vota, à quibusdam desideriiis in imaginatione oriundis discernat; natura; ut ait vulgus, non est noverca, in errorem inducere non vult qui student indicationibus suis. Hunc perfectissimum librum unice consuluit divus *Hippocrates*, & illa est sanè ratio que inimitabilem ferè illum fecit optimas tradidit regulas de dietâ, in prima sectione aphor. quæ totæ versantur circa illud principium: *gravius est peccatum in tenui, quam in paulò pleniori victu*. Ex his patet, quod, re verâ, medicinæ parens, leges naturæ novit & apprimè secutus est; ast vero evidens est, quod non vultdari, alimenta per exacerbationem morborum quorumlibet; sed in illo morbi periodo vulgo ægrotantes nihil appetunt; hinc ipsæmet ruerent objectiones quæ adversus ista præcepta proponi possent.

Nunc quædam ad calcem addenda sunt de potu, exacerbante paroxysmo; qui semper naturam coercere volunt, potum calidum continuò imperant, dicentes, quod frigus cum corporis calore junctum mortem inferre valeret,

En adhuc perniciosissimus alius error : in exhorrescentia equidem minus couenit potus frigidus , sed vulgò non desideratur. Cum vero ebullitionis tempus supervenit , maximè appetitur aqua frigidissima , & appetitus ille iterum naturæ infallibilitatem confirmat ; ut enim potata fuit aqua frigida , (dummodo tamen non adlit diathesis inflammatoria , patet enim quod in hoc-ce casu potus quivis frigidissimus , rejiciendus esset) mox invadit sudor , spasmus tollitur , & febris cedit. Ex his concludam , quod quoties desideratur aqua frigida , tamquam optimum remedium tunc est habenda , & consequenter concedenda. Maximè commendandi sunt iterum potus aciduli , & inter hos præsertim acida vegetabilia , nemo nescit quantum illa putriditatem corrigere valeant , cæterum certissimam adhuc habemus regulam , ad dignoscendos præstantiores potus ; & quod supra diximus post Sydenhamum , de remediis , idem nunc dicendum , puto , de diætâ scilicet quod agendum sit in omnibus circumstantiis , JUVANTIBUS & LÆDENTIBUS. In errorem inducere posse hanc regulam , non existimo.

FINIS.



ARGUMENTABUNTUR

ILLUSTRISSIMI PROFESSORES

D. PAULUS - JOSEPHUS BARTHEZ , *Universitatis Cancellarius.*

D. GASPARDUS-JOANNES RENÉ , *Decanus.*

D. ANTONIUS GOUAN , *Pro-Decanus.*

D. FRANCISCUS BROUSSONET.

D. FRANCISCUS VIGAROUS.

D. HENRICUS-LUDOVICUS BRUN.

D. HENRICUS FOUQUET.

D. JOANNES-BAPTISTA-TIMOTHEUS BAUMES.

